



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Broj: 02-1-02-2-47-11/25

Datum: 03.04.2025

Na osnovu člana 21. tačke 2., člana 46. tačke 2. i člana 84. tačke 1. Zakona o veterinarstvu u Bosni i Hercegovini („Službeni glasnik BiH“, broj 34/02), Ured za veterinarstvo Bosne i Hercegovine, donosi

Uputstvo

o obaveznom testiranju živih papkara prije uvoza u Bosnu i Hercegovinu radi sprečavanja unosa slinavke i šapa

Član 1.

- (1) Radi sprečavanja unosa bolesti slinavke i šap naređuje se obavezno testiranje svih pošiljki živih papkara koji se uvoze u Bosnu i Hercegovinu na prisustvo slinavke i šap.
- (2) U pošiljkama goveda, ovaca, koza i svinja potrebno je testirati sve životinje pojedinačno.
- (3) Testiranje je potrebno izvršiti ELISA testom u skladu sa WOAHP Priručnikom za dijanogtičke testove i vakcine za kopnene životinje.
- (4) Uzorkovanje životinja je potrebno obaviti u državi izvoza unutar 14 dana prije ulaska u Bosnu i Hercegovinu.
- (5) Rezultati testiranja životinja iz stava (2) ovog člana moraju biti negativni i moraju pratiti veterinarsko-zdravstveni certifikat prilikom uvoza u Bosnu i Hercegovinu.

Član 2.

Sve troškove nastale u cilju primjene ovog Uputstva snosi uvoznik.


Član 3.

Za implementaciju ovog Uputstva zadužuje se Odjeljenje za sigurnost hrane i uslove u objektima.

Član 4.

(1) Ovo Uputstvo stupa na snagu danom donošenja i važi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu slinavke i šapa.

(2) Ovo Uputstvo se neće primjenjivati na pošiljke životinja iz člana 1. ovog Uputstva za koje je veterinarsko-zdravstveni certifikat izdat prije stupanja na snagu ovog Uputstva.



DIREKTOR

Saša Bošković dr vet.med.

DOSTAVLJENO:

- Ministarstvo vanjske trgovine i ekonomskih odnosa – kabinet Ministra
- Svim graničnim veterinarskim inspektorima;
- Odjeljenje za zdravlje i dobrobit životinja;
- Odjeljenje za sigurnost hrane i uslove u objektima;
- Arhiva.